

Petrus de Vinea

*Ep. V 78 (Bartholomeus cuius
Lucanus, fidelis noster...)*

Basilicata University Press

—

Digital Humanities

Edizioni e data-bases digitali
sotto la direzione di Fulvio Delle Donne

Petrus de Vinea

*Ep. V 78 (Bartholomeus ciuis
Lucanus, fidelis noster...)*

1220-1266

Eidem, quod faciat restitui bona disrobatis supra mare.

1. Bartholomeus ciuis Lucanus, fidelis noster, ad presentiam nostram nuper accedens, nobis exposuit cum querela, quod, cum ipse dudum in quodam buzo, naui G. de..., suis et sociorum suorum mercibus onerata, sub spe emolumenti a Brundusio uersus Duratium nauigaret, cum comitiua quarumdam galearum et barchettarum de Saona, S. et R. et quidam alii, qui cum eis erant, ipsum et socios hostiliter inuadentes, ceperunt eosdem, et omnia bona, quae habebant ibidem, ipsis prius enormiter tormentatis, ut asserit, abstulerunt. 2. Cumque idem B. nostrae supplicauerit maiestati, ut super restitutione rerum suarum, quibus tunc sic extitit uiolenter et temere spoliatus, prouidere sibi misericorditer dignaremur, nos supplicationibus ipsius benignius inclinati, fidelitati tuae precipiendo mandamus, quatenus, si tibi constiterit de predictis, bona sua, quae sibi tunc ablata fuerunt, seu ualorem ipsorum, de quo tibi constare uolumus, ab illis eisdem restitui facias, qui bonorum ipsorum captores et participes extiterint. 3. Nichilominus cautus existens, ut sic, deliberatione prehabita, punias, quos inde uideris puniendos, ne delinquentes predicti aliquatenus debeant de commissis excessibus gloriari.